

# PERBARISAN PEGAWAI MEMERINTAH MARKAS TENTERA UDARA DAN MARKAS PEMERINTAHAN OPERASI UDARA (MTU/MPOU)

[airforce.mil.my/berita/berita-dari-pangkalan/5075-perbarisan-pegawai-memerintah-markas-tentera-udara-dan-markas-pemerintahan-operasi-udara-mtu-mpou](https://airforce.mil.my/berita/berita-dari-pangkalan/5075-perbarisan-pegawai-memerintah-markas-tentera-udara-dan-markas-pemerintahan-operasi-udara-mtu-mpou)

KUALA LUMPUR, 31 Mei 19 – “Sokongan daripada semua pihak amatlah diperlukan bagi melaksanakan tugas yang diamanahkan agar kita dapat meneruskan tradisi kecemerlangan”, ucap Pegawai Memerintah MTU/MPOU, Brig Jen Dato’ Hanafiah bin Hj Abdul Manaf TUDM kepada pegawai dan anggota LLP di perbarisan beliau yang berlangsung di Tingkat 20, Wisma Pertahanan pagi tadi.

Dalam ucapannya, beliau sekali lagi menegaskan berkenaan penyalahgunaan dadah dan juga pengambilan air ketum yang tidak mendatangkan manfaat kepada diri sendiri, mahupun kepada keluarga dan juga organisasi. “TUDM tidak akan berkompromi sekiranya terdapat anggota yang terlibat dalam perkara ini dan hukuman berat akan diambil”.

Selain itu, beliau menyeru kepada para suami agar memberi galakan kepada para isteri untuk melibatkan diri dalam setiap aktiviti BAKAT yang dianjurkan.

Dikesempatan ini juga, Pegawai Memerintah mengingatkan agar semua peringkat yang akan pulang bercuti nanti supaya menjaga keselamatan diri masing-masing, keluarga dan juga rumah yang akan ditinggalkan.

Dalam perbarisan ini, Pegawai Memerintah turut menyempurnakan penyampaian sumbangan Hari Raya Aidilfitri kepada pegawai dan anggota di bawah naungan MTU/MPOU.



